

*ԲՈՒՄԱԲՈՒԾՈՒԹՅԱՆ ԶԱՐԳԱՅՄԱՆ ՎՐԱ ԱԶԴՈՂ
ԳՈՐԾՈՆՆԵՐԸ ԱԼԵՔՍԱՆԴՐԱՊՈԼ ԳԱՎԱՌՈՒՄ
XIX դ. ՎԵՐՋԻՆ XX դ. ՄԿՁԲԻՆ*

Ալեքսանդրապոլի գավառում XIX դ. վերջին եւ XX դ. սկզբին հանրային տնտեսության զարգացման գլխավոր ճյուղը գյուղատնտեսությունն էր, ինչը աստիճանաբար ենթարկվել եւ հարմարվել էր շուկայի պահանջներին: Գավառի բուսաբուծության զարգացման վրա էական ազդեցություն են ունեցել ոչ միայն բնական, այլեւ հասարակական գործոնները, որոնցից կարելի է առանձնացնել արտադրողական ուժերը, հարկերը, աուրքերը եւ վարկերը, աշխատանքի բաժանման ձեւերը, օգտագործվող գյուղատնտեսական գործիքների տեսակները եւ այլն:

Առաջին 1897թ. համառոտական մարդահամարի տվյալների համաձայն՝ Ալեքսանդրապոլի գավառում գյուղատնտեսությամբ էր զբաղվում բնակչության 86,47%-ը, Կարսի մարզում՝ 82,30%-ը, այդ թվում՝ քաղաքային բնակչության 23,4 եւ 23,6%-ը (համեմատության համար հիշատակենք, որ Ռուսական կայսրությունում այդ ցուցանիշը 9,3% էր, իսկ Կովկասում՝ 18,5%)¹:

XIX դ. վերջին, երբ կապիտալիզմը ներթափանցեց Ալեքսանդրապոլի գավառ, երկաթուղու կառուցումը, ապրանքաշրջանառության ակտիվացումը հանգեցրին գյուղատնտեսության կառուցվածքի, արտադրության եւ բնակչության զբաղվածության քանակական ու որակական փոփոխության: Ներկայացվող ժամանակահատվածում Ալեքսանդրապոլի գավառում հացահատիկային բույսերի մշակությամբ զբաղվողների թիվը նվազել է, ինչը պայմանավորված էր արտադրության նոր միջոցների կիրառումով եւ գյուղացիների հողազրկման ակտիվ գործընթացով: Ապրանքադրամական հարաբերությունների արմատավորումը, գյուղատնտեսության արտադրողականության բարձրացումը հանգեցրին նահապետական գերդատտանի քայքայմանը եւ բնակչության սոցիալական կազմի փոփոխությանը, ինչն էլ իր ազդեցությունն ունեցավ նաեւ բուսաբուծության զարգացման ընթացքի վրա: Գավառի սակավահողությունը եւ ընտանիքների թվի ավելացումը ավելի էին դժվարացնում մշակովի հողերի արդյունավետ օգտագործումը: Բացի դրանից, հողը մշակելու դժվարությունները եւ ցածր արտադրողականությունն ստիպել են գավառի երկրագործներին փոխադարձաբար օգնել իրար, այսինքն՝ բուսաբուծությունը հանրային բնույթ է կրել: Գյուղերում հողերի սակավության պատճառով 3-4 տարին մեկ անգամ իշխանության թույլտվությամբ եւ հասարակական վճռով նոր հողաբաժանություն է կառարվել, որը կոչվել է «ջանի» կամ «փափախի»: Արդյունքում գյուղացիական մի շարք տնտեսությունների հողն ավելանում էր, իսկ մյուսներինը՝ պակասում²:

Գավառի բուսաբուծությունը XIX դ. վերջին ենթարկվում է ճյուղային որակական ու քանակական փոփոխության: Վիճակը փոխվեց 1890-ական թվականներին, երբ Ալեքսանդրապոլի գավառում առաջին անգամ սկսեցին օգտագործել

¹ Կիրակոսյան Գ., Գյուղատնտեսական ինքնագործները եւ վարձու աշխատողներն Արեւելյան Հայաստանի բնակչության սոցիալական կառուցվածքում (XIX դարի վերջին), Եր., 2009, էջ 30:

² Մխիթարյան Ա., Փշրանք Շիրակի ամբարներից, Էմինյան ազգագրական ժողովածու, Մոսկվա-Ալեքսանդրապոլ 1901, էջ 300:

Ռուսաստանից բերված երկաթե գութաններ: Գութանավարությունը նպաստեց գյուղատնտեսական կոռուպցիայի աշխատանքներին: Ի տարբերություն արտաքին երկրագործությանը՝ գութանայինն ավելի աշխատատար էր: Հարկ է նշել, որ գավառում միայն հարուստ տնտեսություններն էին օգտագործում գութան: Վերջինիս գործածության համար պահանջվել է 10-12 գույզ եզ, 8-10 աշխատող³: Գութանով վարել են խոպան կամ մի քանի տարիներ հանգստացած հողատարածքները, այն էլ գերազանցապես աշնան շրջանում: Դրանց կիրառումն Ալեքսանդրապոլի գավառում նախադրյալներ ստեղծեց գյուղատնտեսական գործիքների վաճառքի կետերի, դարբնոցների ու արհեստանոցների ավելացման համար:

Գյուղացու ամբողջ կարողությունը հիմնականում հողն էր, իսկ եկամտի չափն էապես կախված էր հողի քանակական և որակական հատկանիշներից: Ալեքսանդրապոլի գյուղատնտեսական հողերի հիմնական մասը պետական սեփականություն է եղել, և գյուղացին այն մշակելու համար վարձակալել է: Այսպես 1913թ. Ալեքսանդրապոլի գավառի գյուղական բնակավայրերի թիվը 164 էր, որից 163-ը պետական էր, և միայն մեկը՝ վանքապատկան: Ալեքսանդրապոլի գավառը 1913թ-ին ունեցել է 291639 հա գյուղատնտեսական հողատարածք, որից 282686-ը՝ պետական, այդ թվում՝ 7881 հա քաղաքապատկան, իսկ 1072-ը՝ վանքապատկան, արոտավայրերը կազմել են 85561հա⁴: Նշված տարում գավառի ոռոգովի հողատարածքը կազմել է 1596 հեկտարին (*1հեկտարը 1,1հա է*), ինչը Երևանի նահանգում ամենաքիչն է եղել⁵: Երևանի նահանգի գյուղատնտեսական արտադրության կարիքներն ուսումնասիրող կոմիտեի զեկուցագրում նշված է, որ Ալեքսանդրապոլի գավառում հողաբաժինները վերջնականապես ամրացված չեն շինականներին, տիրապետության այդպիսի տնտրությունը խանգարում է գյուղացիներին իրականացնելու ջրաշինարարական և ընդհանրապես հողի բարելավման և հողատարածքներն ընդլայնելու աշխատանքներ⁶:

Բուսաբուծական աշխատանքների արդյունավետ կազմակերպման վրա բացասաբար են անդրադարձել գոյություն ունեցող պետական հարկերը, վարկերը և եկեղեցու տուրքերը: Ալեքսանդրապոլի գավառում գյուղացիներին բաժանել են երկու խմբի, այսպես կոչված, «մատաղ ուսողներին» և «եօզներին»: Մատաղ ուսողները օրենքի առաջ ճանաչված հարկատու և համայնական բոլոր ծախսերին մասնակցություն ունեցողներն էին, իսկ եօզները հարկատու էին ըստ կարողության և աղքատության պատճառով գյուղական համայնքի ծախսերին չէին մասնակցում⁷: Ըստ այդմ էլ Ալեքսանդրապոլի գավառում գոյություն է ունեցել պարտադիր և կամավոր հարկերի ու տուրքերի համակարգ, ինչը հնարավորություն է տվել գյուղացուն ըստ իր ունեցվածքի վճարելու կամավոր տուրքերը: Գավառում կամավոր տրվող տուրքերից էին՝ «գանձանկադրամը», «աղքատաց գանձանակը», «աջիաբույրը» և այլն: Իսկ եկեղեցուն պարտադիր վճարվող տուրքերն էին՝ «Աթոռահաս պսակը», «Պտղի արդյունքը», «Թաղման վարձը», «Պատկադրման վարձը» «Սկրտության վարձը», «Եկեղեցու լուսազինը», «Տորիները» և այլն: Պետությանը տրվող հարկերն ու տուրքի տեսակներն ավելի քիչ էին. «Արքունական ծխահարկը» կամ հողի հարկը, տնահարկը կամ եկամտահարկը, որն ալեքսանդ-

³ Մխիթարյան Ա., նշվ. աշխ., էջ 295:

⁴ Վիրաբյան Ս., Շիրակի գեղանիստ, Եր., 2013, էջ 59:

⁵ Աղոնց Ս., Հայաստանի ժողովրդական տնտեսությունը և հայ տնտեսագիտական միտքը XXդ. սկզբին, Եր., 1968, էջ 146:

⁶ Памятная книжка Эриванской губернии на 1904, отд. IV, стр. 40.

⁷ Մխիթարյան Ա., նշվ. աշխ., էջ 300:

բապոցիներին հայտնի է *«դախառ»* անվանումով⁸: Ներկայացված հարկերի եւ տուրքերի բազմազանությունն ու տրվող գումարների, գյուղմթերքների չափը ոչ միայն խաչընդոտել են բուսաբուծության զարգացմանը, այլեւ նպաստել գյուղացիության արտագաղթին:

Ալեքսանդրապոլի գավառում գյուղատնտեսության մեջ տիրապետող է եղել հացահատիկային բույսերի մշակությունը, որը մինչ այսօր էլ զարգացման ռիսկային ճյուղ է: Գլխավոր պատճառը տեքարենպաստ կլիմայական պայմաններն են՝ երաշտը, կարկտահարությունը եւ մասնավորապես ցածրադիր գոտիներում մոդեխի հարձակումները ցորենի դաշտերի վրա: Արժե հիշատակել, որ անբարենպաստ տարիներին գյուղացիները, մինչեւ իսկ կիսատված մնալով, սերմացու ցորենին ձեռք չեն տվել: Ա. Զավարյանի տվյալներով, 1893թ. համախառն բերքից սերմացուն առանձնացնելուց հետո Ալեքսանդրապոլի գավառի Մեծ Ղարաքիլիսա (ներկայիս՝ Վառձառ) գյուղի մեկ բնակչին մնացել է 1,3 փուլ կամ 20,8կգ հացահատիկ⁹, որը չի բավականացրել նույնիսկ քառորդ հեկտար ցանելու համար: Հացի պակասության պատճառով հացամթերքի գների շեշտակի աճ է գրանցվել: Երեւանում 1883թ. ցորենի փուլը վաճառվել է 68, Ալեքսանդրապոլում՝ 94 կոպեկով, իսկ տասը տարի անց՝ 1ռ.24կ¹⁰: 1900-1913թթ. ընթացքում հացահատիկային մշակաբույսերի համախառն բերքը Ալեքսանդրապոլի գավառում գրեթե չի ավելացել: Բացի դրանից, հացահատիկի բերքատվության չափը կախված է եղել նաեւ օգտագործվող աշխատանքային գործիքների տեսակներից: Ալեքսանդրապոլի գավառում հացահատիկի հունձը կտատարվել է մանգաղով եւ գերանդիով, միայն ռուս աղանդավորներն են երբեմն օգտագործել ձիու խոտհարքներ, որի ծամանակ բերքի կորուստը քիչ է եղել, իսկ աշխատանքի արտադրողականությունը՝ բարձր: Չնայած անբարենպաստ կլիմայական պայմաններին եւ ցածր արտադրողականությանը՝ XIXդ. վերջին եւ XXդ. սկզբին Ալեքսանդրապոլի գավառը Երեւանի նահանգում առանձնակի տեղ է զբաղեցրել ապրանքային հացահատիկի արտադրությամբ: Այսպես, Աղին եւ Անի երկաթուղային կայարաններից 1910թ. արտահանվել է 216 հազ. փուլ ցորեն ու գարի, իսկ 1912թ.՝ 530 հազ. փուլ: Ալեքսանդրապոլի գավառից յուրաքանչյուր տարի միայն Թիֆլիս՝ զարեջրի գործարաններ է առաքվել մոտ 100 հազ. փուլ գարի¹¹: Սակայն արտահանմանը զուգահեռ՝ գավառը Ռուսաստանից ներմուծել է ցորեն՝ այլուրի արտադրության համար: Մինչեւ Առաջին աշխարհամարտը գավառից ցորենի արտահանումն իր ծավալներով գերազանցել է ներմուծմանը:

XXդ. սկզբին գավառի երկրագործությունում եռադաշտային համակարգն ամենուրեք արմատավորված չէր: Որպես կանոն հողը չէր պարարտացվում, իսկ ռոտելի հողատարածություններն ավելացել էին աննշան: Գավառի երկրագործները հացաբույսերից մշակել են ցորեն, գարի, վարսակ, ընդեղենից՝ սիսեռ, ոսպ, բակլիա, լոբի, յուղատու բույսերից՝ կտավատ, գերչակ, կանեփ: Ցանել են երեք տեսակ ցորեն՝ *«քոհի»*, *«կարմրհատ»* եւ *«թոփաշ»*: Քոհիը հիմնականում ցանել են աշնանը: Արժե հիշատակել, որ քոհիից ստացել են ձավար, իսկ կարմրհատից՝ բլդուր: Թոփաշի բերքատվությունը գերազանցել է քոհիի եւ կարմրհատ ցորենի բերքատվությունը: Շիրակի ցածրադիր եւ բարձրադիր գոտիներում լայն տարա-

⁸ Մխիթարյանց Ա., *կշվ.աշխ.*, էջ 302:

⁹ Ադոնց Մ., *Հայաստանի ժողովրդական տնտեսությունը եւ հայ տնտեսագիտական միտքը* XXդ. սկզբին, Եր., 1968, էջ 137:

¹⁰ *Նույնը*:

¹¹ *Նույն տեղում*, էջ 141:

ծում է ունեցել գարու մշակությունը: Գարին օգտագործել են ինչպես անասնակեր, այնպես էլ հացաթխման հումք: Գարու եւ ցորենի միախառնված պյուրով թխված հացին Ալեքսանդրապոլի գավառի բնակիչներն անվանել են *«քարդկա»*:

Հողակլիմայական յուրաքանչյուր գոտու բնակիչ, վարատեղերի դիրքով պայմանավորված, մշակել է ուրույն ձևով եւ տարբեր ժամկետներում: Հայաստանում ցանքի շրջանը հայտնի էր *«ցանց»* եւ հերկինը *«հերկաց»* անուններով: Հերկոցը սովորաբար ունեցել է երկու սեզոն՝ գարնան վերջերից մինչեւ ամռան կեսերն ընկած ժամանակամիջոցը եւ աշնանը: Սովորաբար հերկելն սկսում էին անձրեւից հետո: Իսկ անձրեւ չլինելու դեպքում արհեստական ռոտցում ունեցող վայրերում ըստ սովորության սկսել են ջրելուց հետո: Վար ու ցանքը կարելի էր կատարել մեկ գույգ լծկանով եւ փոքր արոտով: Իսկ հերկոցը պահանջում էր գործի դնել արորի բուր անասնները եւ գութանները: Հեռանալես, եթե ցանքսը կատարվում էր ընտանիքի ուժերով, ապա հերկը թելադրում էր ընկերությունների ստեղծում¹²: Աղքատիկ եկամուտների տեր գյուղացին հողը մշակում էր հին եղանակներով, գյուղական արհեստավորների ձեռքերով պատրաստած կոպիտ ու ծանր արտադրական գործիքներով: Հողը վարում էին չութով եւ արոտով: Ծանքը կատարում էին ձեռքով, տափանումը փայտե ցաքաններով, իսկ XX դ. սկզբին սկսեցին օգտագործել երկաթե տափաններ: Գավառի լեռնային մասերում հողերը վարել են հիմնականում արոտով, իսկ գութան օգտագործել են մեծ տնտեսությունները, որոնք ունեցել են մեծ հողակտորներ: Գավառում եվրոպական տիպի երկրագործական գործիքներ գրեթե չեն օգտագործվել:

Ալեքսանդրապոլի գավառում մարտ-մայիս ամիսներին, ըստ ընդունված կարգի, գութանատերը գյուղացիներին հողը վարելու համար պայման էր առաջարկում, այսպես կոչված, մինչեւ *«թամամ հախսը»* կամ *«24 օրը»* գյուղացիները գութանի վարձի դիմաց երեք օր պեսք է անվճար վարելին իրենց արտը, որից հետո ետը *«թամամ հախսին»* մասնակցողների արտերը: Քսանչորսերորդ օրը լրանալուց հետո մեկ օր էլ ուրիշ գյուղացու, որը *«թամամ հախսի»* մասնակից չէ, արտն են վարել: Գյուղացին դա անվանել է *«մատաղի»*: Այսինքն *«թամամ հախսին»* մասնակցող գյուղացիները մատաղ են անում, որի մի մասը իրենք են կերել, իսկ մյուսը՝ բաժանել չքավոր գյուղացիներին: Քսանհինգերորդ օրը՝ երեկոյան, հոտաղները թաշկինակները ճիպտաների ծայրին կապած, ուրախ երգելով գութանը հանձնել են տիրոջը: Գութանատերն էլ ընթրիքի է հրավիրել նրանց¹³:

Գավառում բավականին ծանր է եղել այն երկրագործ գյուղացիների վիճակը, որոնք ցանքս չեն ունեցել եւ ստիպված բառարկություն են արել: Այսպես, XIX դ. վերջին ցանք չունեցող գյուղացիների թիվը գավառում կազմել է գյուղացիական տնտեսությունների ընդհանուր թվի 19,7%-ը¹⁴, ինչը բավականին բարձր ցուցանիշ է: Աշխատանք չգտնելով՝ նրանք երկրագործական սեզոնային արտագնա աշխատանքի են մեկնել Նրեւանի եւ այլ նահանգների գյուղական բնակավայրեր: Ալեքսանդրապոլի գավառի գյուղական բնակավայրերից 1913 թ. արտագնա աշխատանքի մեկնողների թիվը 14000 էր, որոնցից 3121-ը մեկնել են Նրեւանի նահանգի գյուղեր, 9331-ը՝ նահանգի սահմաններից դուրս, իսկ 1548-ը՝ արտասահման¹⁵: Բնական աղետները նույնպես ազդել են սեզոնային արտագնա աշխատանք-

¹² Բրդյան Վ., Երկրագործական մշակույթը Հայաստանում, Եր., 1972, էջ 290:

¹³ Մխիթարյան Ա., նշվ. աշխ., էջ 297:

¹⁴ Заваров С. Опыт исследования сельского хозяйства хлеборобного района Эриванской губернии и Карской области, Тифлис, 1899, стр. 264.

¹⁵ Обзор Эриванской губернии за 1912, стр. 14.

վերադարձնել բերքի ստացումից հետո՝ վճարելով 20% հավելավճար²²։ Քիչ չէր վարկառու այն գյուղացիների թիվը, որ ընկնում էին պարտքի տակ և դառնում անվճարունակ։ Վաճառելով ունեցած խոշոր և մանր եղջերավոր անասունները, հողը, միևնույն իսկ տունը՝ վճարում են իրենց պարտքը ու չունենալով ապրուստի միջոցներ՝ մեկնում էին քաղաք՝ նորից զբաղվելով գյուղատնտեսական աշխատանքով, արհեստներով կամ դառնում բանվոր։ Հաճախակի երևույթ էր գյուղացու կողմից դրացուց այլուր կամ սերմացու պարտքով վերցնելը կալի վերադարձնելու պայմանով։ Այդպիսի իրավիճակը բացասական ազդեցության էր թողնում գավառի բուսաբուծության զարգացման վրա։

Ջավախքի, նաև Ալեքսանդրապոլի գավառի գյուղացիների մեջ սովորություն էր սերմացուն տանել երեցի մոտ օրհնելու, որից հետո բերում խառնում էին ամբարում եղած հացահատիկին²³։ Նախքան ցանելը գյուղացին արտը բաժանում էր մարգերի։ Վարում էր միևնույն կեսօր։ Բանող անասուններին հանգիստ տալով վարը շարունակվում էր երեկոյան։ Վարից հետո սկսվում էր հերկը։ Հերկը կատարում էին հունիս - հուլիս ամիսներին և պատրաստում հաջորդ տարի ցանելու համար։ Մինչև XX դարի սկիզբն Ալեքսանդրապոլի գավառում հողատարածքների չափումը կատարվել է սումարներով, կոտերով և ռուբերով։ Այսպես, Ալեքսանդրապոլի գավառի Ղուղաթ գյուղում (ներկայիս Գեղանիստ) հաշվարկը կատարել են հեռեկյալ կերպ. 1 սումարը = 16 փուր զարի, 20 փուր ցորեն, իսկ 1 փուրը = 16 կգ, 10 կոտը = 1 սումարի, իսկ 4 ռուբը = 1 կոտի²⁴։ Այսինքն՝ մեկ սումարանոց տարածության վրա ցանվել է 16 փուր զարի և 20 փուր ցորեն կամ 10 կոտ հացահատիկ։ Ի դեպ, Շիրակի դաշտում ամենատարած տարում երկրագործը մեկ սումարի ցորենից ստանում է 10-12, իսկ ոչ բերքատու տարիներին՝ 4-6 սումարի²⁵։ Արժե հիշատակել, որ հացահատիկի մշակությամբ զբաղվել են ոչ միայն գյուղերում, այլև Ալեքսանդրապոլում։ Նույնիսկ առանձին թաղամաս կար «Ռանչպարների» կամ «Գեղցոնց» թաղը։ Այդ և այլ թաղամասերի բնակիչները բացի հացահատիկից մշակել են նաև բանջարաբուսատնային բուսատեսակներ։ Ալեքսանդրապոլում մինչև 1875թ. գոյություն են ունեցել հողագործական համայնքներ, որոնց անվանել են «հին սյաթներ» և «նոր սյաթներ»²⁶։

Յուղատու և տեխնիկական մշակվող բուսատեսակներից Ալեքսանդրապոլի գավառում աճեցրել են կտավատ, կանեփ, շաքարի ճակնդեղ, գերչակ, առորիկ և սևուկ։ Կտավատի ձեթն ավելի հարգի էր, քան գերչակինը։ Ալեքսանդրապոլում կտավատի մշակության տարածված լինելու մասին են վկայում նշված ժամանակահատվածում ձիթահանների առկայությունը։ Կտավատի ձեթն օգտագործվել է ճաշեր, գաթա և բիշի պատրաստելու համար։ Կանեփի քիչ են ցանել։ Ձիթահանությունը զարգացած է եղել ինչպես գյուղերում, այնպես էլ Ալեքսանդրապոլում։ Ձիթահանը աշխատեցրել են 4-5 մարդ։ Հիմնական աշխատանքները գլխավորել է «խալֆան»։ Ծառայություն մատուցողներին, որոնց թիվը 3-4 մարդ է, անվանել են «ջոթեր», իսկ կտավատը բովողին և ծեծողին «ֆռնի», ձիթահանի գումեղներ պա-

²² Նիկողոսյան Ն., նշվ. աշխ., Մուրճ, №1, Թիֆլիս, 1902, էջ 113:

²³ Մալխասյան Հ., Հայ գեղջուկի ալբոմը, Ազգագրական հանդես, 1898, N 1, Թիֆլիս, 1898, էջ 360:

²⁴ Վիրաբյան Ս., Շիրակի Գեղանիստ, Եր., 2013, էջ 100:

²⁵ Մխիթարյան Ա., նշվ. աշխ., էջ 298:

²⁶ Մեղրոսյան Կ., Արհեստավորական ավանդույթները և դրանց արտահայտությունները լեհիսկանցիների կենցաղում, Հայ ազգագրություն և բանահյուսություն, հ.6, Եր., 1974, էջ 183:

հողերին՝ «ջամուշխ»։ Չիթեանի աշխատողներին վճարել է «եռքատյին»։ Պատահել է որ եւս դրամի փոխարեն վճարումը կատարել է ձեռքով եւ կտավատով²⁷։

Ալեքսանդրապոլի գավառում լայն տարածում է ունեցել բուսահավաքչությունը։ Վաղ զարեանը՝ ձեռնալից հետո, աճում էին բազմաթիվ բուսատեսակներ, որոնք օգտագործվում էին ոչ միայն որպէս սննդամթերք, այլեւ դեղաբույսեր։ Շիրակի դաշտում ուտելի բազմաթիվ բուսատեսակներից հավաքել են բանջարեւոր, ամկեւոր, էրիժնակ, կաթը, տատրակ, սինձը, սիբեխը, թթվաշք, դաղձը, եգան լեզուն եւ այլն։ Բուսահավաքչությամբ հիմնականում զբաղվել են գերդաստանի հարսներն ու աղջիկները, պատանիները։ Բուսահավաքչությանը շիրակցիներն անվանել են «բանջորքար»²⁸։ Բանջորքարի գնալիս նրանք հետները տարել են բուսահավաքչական գործիքներ՝ «շխալիկ» կամ «լեսա»։ Պատանիներն էլ իրենց սուր բահերով, որոնց անվանում էին «բիհը», քաղում էին ձեռնաղիկ, չիկիտամ, գրլիկ ու մատուկ, կանդառ, փշիփշուկ, ջրակոտեմ, փխկոթի, սինձ, կարմիր բանջար։ Թթու դնելու համար քաղել են զոխ, ժախ, բեգա, բոճախ, օդորմակոթ եւ այլն²⁹։

Բնակչության կան առանձնահատկություններով պայմանավորված՝ Ալեքսանդրապոլի գավառում բամբակագործությունը եւ բանջարաբուստանային որոշ մշակաբույսերի տեսակների (ձմերուկ, սեխ, լոլիկ, սմբուկ եւ այլն) արտադրությունը բացակայել են։ Երկրագործության այդ ճյուղերը հիմնականում զարգացել են Արարատյան դաշտի ռազմովի հողերում։

Բանջարաբուստանային բույսեր գավառում մշակել են վաղուց։ Մասնավորապէս Ազատանում գյուղացիները բանջարեղեն սկսել են մշակել XIXդ. 30-ական թվականներին³⁰։ Կաղամբի եւ գագարի մշակությունը գավառում լայն տարածում չի ունեցել։ Դրանց մշակությամբ զբաղվել են հիմնականում Ալեքսանդրապոլի հարակից գյուղերում։ Աճեցրել են «գլխանի» կաղամբ, ավելի քիչ՝ «շաղգամային», «բրուսելի», «ծաղկաբեր» կաղամբի տեսակներ եւ «կարմրակաղամբ»։

Այսպիսով, XIXդ. վերջին եւ XXդ. սկզբին բուսաբուծությունն Ալեքսանդրապոլի գավառի տնտեսության առաջատար ճյուղն է համարվել։ Բուսաբուծության զարգացման գլխավոր գոտին եղել է Շիրակի դաշտը։ Գավառի ցածրադիր վայրերում մշակել են հացահատիկային եւ տեխնիկական մշակաբույսեր։ Բնորոշ է եղել բուսաբուծության զարգացման էքստենսիվ ուղղությունը։ Գյուղատնտեսության այդ ճյուղի ներդաշնակ զարգացմանը խոչընդոտել են ինչպէս բնական աղետները, այնպէս էլ գոյություն ունեցող պէտական եւ եկեղեցական հարկերի ու տուրքերի բազմազանությունը, անարդար հողաբաժանումը, աշխատանքի ցածր արտադրականությունը։ Առաջին աշխարհամարտի նախօրէին Ալեքսանդրապոլի գավառը Երեւանի նահանգի բուսաբուծության զարգացման գլխավոր շրջաններից մեկն էր։ Կապիտալիստական արտադրանքաբերությունների ներթափանցումը գավառ, երկաթուղու կառուցումը, ապրանքաշրջանառության ակտիվացումը հանգեցրին գյուղատնտեսության կառուցվածքի, արտադրության եւ բնակչության զբաղվածության քանակական ու որակական էական փոփոխությունների։

²⁷ Մխիթարյան Ա, նշվ. աշխ., էջ 293։

²⁸ Նույն տեղում, էջ 276։

²⁹ Նույն տեղում, էջ 278։

³⁰ Իկիլիկյան Վ., Ազատանը եւ ազատացիները, Գյումրի, 2007, էջ 21։

ФАКТОРЫ, ВЛИЯЮЩИЕ НА РАЗВИТИЕ РАСТЕНИЕВОДСТВА В АЛЕКСАНДРАПОЛЬСКОМ УЕЗДЕ В КОНЦЕ XIX-НАЧАЛЕ XX ВВ.

Резюме

А. Бояджян

В конце XIX-начале XX вв. растениеводство в Александропольском уезде являлось ведущей областью экономики. Зоной растениеводства являлась Ширакская равнина. В низменных частях уезда выращивали зерновые и технические культуры. Растениеводство развивалось в экстенсивном направлении. Гармоничному развитию данной отрасли сельского хозяйства препятствовали природные бедствия и катаклизмы, разнообразные государственные и церковные налоги и подати, несправедливый раздел земли, низкий уровень производительности. Проникновение капиталистических отношений и строительство железной дороги, активизация товарооборота в Александропольском уезде привели к серьезным изменениям в строении сельского хозяйства и к изменениям количественного и качественного потенциала людей, занятых в данной отрасли. Накануне Первой мировой войны Александропольский уезд являлся одним из главных районов развития растениеводства в Эриванской губернии.

Տեղեկություններ հեղինակի մասին

Բոյաջյան Արտաշես Գեորգի – պ.գ.թ., դոցենտ, ԳՊՄԻ աշխարհագրության
ամբիոն, ՀՀ ԳԱԱ Շիրակի հայագիտական հետազոտությունների կենտրոնի
ավագ գիտաշխատող, Email: a.bojayan@mail.ru